



Broj: 10/E-11-5195/24
Sarajevo, 13-11-2024 godine

Na osnovu člana 8. stav (1) i (2) i člana 70. Zakona o javnim nabavkama ("Službeni glasnik BiH", broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo - Prečišćeni tekst („Službene novine Kantona Sarajevo”, broj: 23/04), Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH”, broj 2/23), u daljem tekstu: Pravilnik, a na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-238/24 od 25.03.2024. godine, (u daljem tekstu: Komisija III) u postupku javne nabavke usluga digitalnog osposobljavanja MSP-ova za promociju i digitalnu transformaciju poslovanja (Zapisnik o pregledu i ocjeni ponuda broj: 10/E-11-5195/24 od 08-11-2024 godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**ADHIVE**“ d.o.o. Sarajevo, broj: 2-8/2024 od 13.8.2024. godine, ID broj: 4202882640007, ulica Hamdije Kreševljakovića 64/A, 71000 Sarajevo, u postupku provođenja javne nabavke za usluge digitalnog osposobljavanja MSP-ova za promociju i digitalnu transformaciju poslovanja, u iznosu od **4.000,00 KM bez PDV-a, odnosno 4.680,00 KM sa PDV-om.**
- II.** Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 dana, shodno članu 71. Zakona.
- III.** Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku usluga digitalnog osposobljavanja MSP-ova za promociju i digitalnu transformaciju poslovanja pokrenut je putem dodjele ugovora o uslugama iz Aneksa II Zakona o javnim nabavkama, Odlukom Opštinskog načelnika o pokretanju postupka broj: 10/E-11-5195/24 od 09.08.2024.godine. Javni poziv za dostavu ponuda predmetne nabavke objavljen je na portalu javnih nabavki www.ejn.gov.ba, Obavještenje o nabavci usluga iz Aneksa II broj: 848-9-2-10-22-139/24 od 09.08.2024. godine.

Procijenjena vrijednost javne nabavke iznosi 8.547,00 KM bez PDV-a. Za predmetnu nabavku je predviđeno zaključivanje ugovora sa jednim ponuđačem.

U određenom roku za predaju ponuda, do 20.08.2024.godine do 12,00 sati, dostavljena je jedna ponuda i to ponuđača: „REUNION“ d.o.o. Mostar. Komisija III je na osnovu uslova javnog poziva, izvršila pregled i provjeru dostavljene ponude, što je konstatovano kroz zapisnik o pregledu i ocjeni ponuda od 26.8.2024. godine.

Na osnovu preporuke Komisije III, Opštinski načelnik je donio Odluku o izboru najpovoljnijeg ponuđača broj: 10/E-11-5195/24 od 04.09.2024. godine. Međutim, prije isteka roka pravosnažnosti odluke, dostavljena je službena zabilješka iz Službe za lokalno-ekonomski razvoj i mjesnu samoupravu o prijemu ponude „ADHIVE“ d.o.o. Sarajevo, koja je greškom iz pisarnice dostavljena u službu. Kabinet općinskog načelnika – Odsjek za javne nabavke je pokrenuo aktivnosti za utvrđivanje novonastale situacije, odnosno provjere svih okolnosti za utvrđivanje blagovremenosti zaprimljene ponude.

Na osnovu utvrđenih činjenica, na prijedlog Odsjeka za javne nabavke, Odluka o izboru najpovoljnijeg ponuđača je stavljena van snage, zajedno sa zapisnikom o pregledu i ocjeni ponuda za predmetnu nabavku. Komisija III je nakon zaprimanja ponude ponuđača „ADHIVE“ d.o.o. Sarajevo, izvršila otvaranje iste, što je prikazano kroz dopunu zapisnika o otvaranju ponuda. U daljem radu, Komisija III je izvršila provjeru iste, te je konstatovano da je ista blagovremena i prihvatljiva. Na osnovu odredbi Zakona o javnim nabavkama, postupak nije moguće poništiti, odnosno otkazati jer za isto ne postoji pravni osnov. Komisija III je u toku detaljne analize dostavljene ponude, uočila da je cijena ponude ponuđača „ADHIVE“ d.o.o. Sarajevo niža za 48,19% u odnosu na cijenu drugorangirane ponude ponuđača „REUNION“ d.o.o. Mostar. Od ponuđača „ADHIVE“ d.o.o. Sarajevo je zatraženo obrazloženje neprirodno niske cijene ponuda, te je u određenom roku ponuđač dostavio traženo obrazloženje.

Nakon detaljne analize prispjelih ponuda, konstatovano je da ponude ponuđača „REUNION“ d.o.o. Mostar i „ADHIVE“ d.o.o. Sarajevo ispunjavaju formalno pravne, ekonomske i tehničke uslove, odnosno zahtjeve ugovornog organa, te su kao takve **prihvatljive**.

U skladu sa članom 65. Zakona o javnim nabavkama (u daljem tekstu: Zakon), Komisija III je u skladu sa gore navedenim činjeničnim stanjem, pristupila rangiranju prihvatljivih ponuda na osnovu kriterija za dodjelu ugovora „najniža cijena“, te konstatuje sljedeće:

Rang	Ponuđač	Ukupna cijena u KM bez PDV-a	Popust	Ukupan iznos bez PDV-a (KM)
1.	„ADHIVE“ d.o.o. Sarajevo	5.000,00	1.000,00	4.000,00
2.	„REUNION“ d.o.o. Mostar	10.000,00	1.700,00	8.300,00*

*Ponuđač „REUNION“ d.o.o. Mostar nije PDV obveznik.

Komisija III je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

prvorangiranog ponuđača „**ADHIVE“ d.o.o. Sarajevo**, broj: 2-8/2024 od 13.8.2024. godine, ulica Hamdije Kreševljakovića 64/A, 71000 Sarajevo, za nabavku usluga digitalnog osposobljavanja MSP-ova za promociju i digitalnu transformaciju poslovanja, provedenog putem dodjele ugovora o uslugama iz Aneksa II Zakona o javnim nabavkama, u ukupnom iznosu od **4.000,00 KM bez PDV-a, odnosno 4.680,00 KM sa PDV-om**.

Nadalje, Opštinski načelnik u postupku ocjene nije našao razloge, niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav 1) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Dokaz o plaćenju naknade za pokretanje žalbenog postupka u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Naknada se uplaćuje u skladu sa Instukcijom o načinu uplate, kontrole i povrata naknada propisanih članom 108. Zakona o javnim nabavkama („Službeni glasnik BiH“, broj 61/24)

Žalba se podnosi u dovoljnom broju primjeraka, a koji ne može biti manji od tri.

Prilog:

Zapisek o pregledu i ocjeni ponuda broj: 10/E-11-5195/24 od 08-11-2024 godine



Dostaviti:

1. „REUNION“ d.o.o. Mostar,
Ulica Blagaj bb, 88000 Mostar
2. „ADHIVE“ d.o.o. Sarajevo
Ulica Hamdije Kreševljakovića 64/A,
71000 Sarajevo
3. Kabinetu općinskog načelnika
4. Službi za lokalno-ekonomski razvoj i mjesnu
samoupravu
5. Službi za finansije
6. Evidenciji

